

Psalmus responsorius

Ps 32, 4-5. 6-7. 12-13. 20 & 22 (R̄: 5b)

R̄. Misericórdia Dómini plena est terra.

⁴ Quia rectum est verbum Dómini,
et ómnia ópera eius in fide.

⁵ Díligit iustítiam et iudícium;
misericórdia Dómini plena est terra. R̄.

⁶ Verbo Dómini cæli facti sunt,
et spírítu oris eius omnis virtus eórum.

⁷ Cóngregans sicut in utre aquas maris,
ponens in thesáuris abýssos. R̄.

¹² Beáta gens, cui Dóminus est Deus,
pópulus, quem elégit in hereditátem sibi.

¹³ De cælo respéxit Dóminus,
vidit omnes filios hóminum. R̄.

²⁰ Anima nostra sústinet Dóminum,
quóniam adiútor et protéctor noster est;

²² Fiat misericórdia tua, Dómine, super nos,
quemadmódum sperávimus in te. R̄.